



**Ivsti Baronii Veteracastrensis SS. Th. Et I. V. D.
III[ustrissi]mo Arch[iepisco]po Moguntino à Consilijs.
Epistolarvm Sacrarvm Ad Pontificem Max. Et Amplissimos
Cardinales &c. Libri VI**

Baronius, Justus

Mogvntiae, 1605

Epistola XII. Cæsar Baronivs Soranus S. R. E. Cardinalis Ivsto Baronio
Veteracastrensi S.

[urn:nbn:de:hbz:466:1-70614](https://nbn-resolving.de/urn:nbn:de:hbz:466:1-70614)

258 IVSTI BARONII VETER.

Vale mei memor, & sarcinam meam Episcopalem precibus tuis subleua. Datum Ca-
puæ. die 8. Nouemb. M. DCHI.

EPISTOLA XII.

CÆSAR BARONIVSSORA.

nus S. R. E. Cardina-
lis

IVSTO BARONIO VETE-
racastrensi S.

TVAS *Iuste Baroni* litteras diu desideratas tādem magna animi mei voluptate accepi, & libenter legi. Præter enim manifestissima amoris erga nos tui & obseruantiae indicia, id quod summopere de te audire volebam, significabant. Et primum quidem, quod earum me cupiditate incendebat, id erat, quod itineris vestri successus oppido me sollicitum habebat, cum non ignorarem multa solere proficiscentes incommoda comitari, lassitudines, æstus, frigora, insidias, & mille pericula, quæ quo quis aliquando diligentius vitare cogitat, eo citius incurrit. Sed, ut spero, eum viæ • Tobia 4,5,5ducem consequutus es, qui Iuniorem ^a *Tobiam* suæ fidei concreditum incolumem à patre & abduxit, & ijsdem auspicijs reduxit. Cui te, cæterisque Sanctis omnibus ut semper quam studiosissimè commendes, & gra-

tissi-

tissimum exhibeas censeo, tāquam ijs, quo-
rum apud Deum suffragijs & autoritate
preces nostras promoueri & posse & solere
certō scimus. Hæc enim sola est via, qua nos
erga Sanctos pro eorum in nobis custodi-
endis vigilantia gratos demonstramus. Al-
terum quod me in ijsdem delectabat, illud
erat, quod feliciter *Doctoratus* gradum na-
tus: quem honorem tibi cum Ecclesia
Dei communem esse & opto, & futurum
spero: imò ipsine an tibi magis ea de causa
gratuler, non satis constituo, quod illam
per te aliquando ornatum, tuisque labori-
bus illustratum iri confido. In quo ne me-
am de te opinione in fallas, quantum verbis
consequi possum, & obsecro & oro. Ma-
gnum tibi, mi *Iuste*, cum hac dignitate onus
impositum est, magna solicitude accreuit,
præmiorum vero spes & expectatio maxi-
ma manet, si illam ea fide & constantia tue-
bere, qua & te velle credo, & posse confido.
Incumbe igitur, incumbe obsecro, & in id
omnes neruos, omnem industriam confer,
vt quæ te ex inimico & lumini rebelli gra-
tiæ suæ restituit, illa ex sua in te humani-
tate & amicitia mercedem reportet, vt tuis
scilicet studijs & sudoribus istis in partibus
^b tentorij sui funiculos dilatet, hoc est, quem *b IJai 54.2.*
deijs omnibus misericordiæ sinum cupi-
dissimè pandit, per te gaudens & læta im-

R 3 plcat.

pleat. Quæ cohortatio nec longior esse debet, cum te tua sponte satis propensum ad quiduis pro ea laboris & discriminis subeundum persuasum habeam, nec omittenda tamen fuit, cum hoc apud te vellem relinquere, nil mihi magis curæ esse, nisi ut collatum tibi recenter honoris lauream omnium virtutum phaleris quam maximè cohenestes. Vale Romæ. 18. Calend. Decemb. M. DCII.

EPISTOLA XIII.

IVSTVS BARONIVS VETER.
racastrensis

LVDOVICO SCHWARTZ-
maiero à Schwartzenau, S. Cæl. Maiest.
à Consilijs S. P. D.

a Vide Sup.
lib. 3. Epist.
3. **A**D 18. Calend. Decemb. cum post semestrem absentiam domum ex Urbe reuersus essem, primo cubiculi ingressu operientes inueni suauissimas^a literas tuas, Illustris D. Ludouice, quinto ante mense ad me datas, plenas amoris, plenas pietatis. Quibus ut confestim respōderem, non solum illa ipsa causa monebat, sed & hæc altera, quod tu tanta dignitate vir, inter Imperatorios consiliarios haud postremus, me (quod ait^b S. Hieronymus) primus ad officium

Epist. 132.
ad Ruff.

um